



TRIAL
International

SAOPĆENJE ZA MEDIJE

Sarajevo

Bosna i Hercegovina mora osigurati prava preživjele ratnog silovanja

Sarajevo, 27. januar 2017. godine – Danas se, po prvi put, podnosi predstavka protiv Bosne i Hercegovine pred Komitetom Ujedinjenih naroda za uklanjanje svih oblika diskriminacije žena (CEDAW). Nevladina organizacija TRIAL International podnosi predstavku u ime preživjele ratnog silovanja, zahtijevajući procesuiranje i adekvatno kažnjavanje odgovornih, formalno priznanje statusa civilne žrtve rata, kao i osiguranje drugih mjera reparacije.

Nakon što je silovana u jednom bosanskom selu 1995. godine, preživjela je odmah prijavila silovanje nadležnoj policijskoj stanici, a 2009. godine i Tužilaštvu BiH. Uz to, poslala je brojne dopise raznim pravosudnim institucijama i policijskim organima u kojima je zahtijevala da se procesuiraju odgovorni. Usprkos tome, još uvijek niko nije identifikovan, niti kažnjen za počinjenje ovog djela. TRIAL International podnosi slučaj UN-u, kako bi preživjela na taj način došla do svojih prava.

“Država BiH mora priznati svoju odgovornost za kršenje prava podnositeljice predstavke, i službeno se izvinuti. Također, ona mora poduzeti niz mjera kako bi se ovi propusti ispravili, kao što je krivično gonjenje odgovornih za ovaj zločin,” izjavila je **Adrijana Hanušić Bećirović, viša pravna savjetnica TRIAL International.**

Povrede mnogih članova Konvencije o uklanjanju svih oblika diskriminacije žena, navedene i obrazložene u predstavi koju je podnio TRIAL, ukazuju na postojanje sistemskih nedostataka u osiguranju od strane BiH prava koja s razlogom pripadaju preživjelima,.

Put preživjelih do pravde je dug i težak

Još je mnogo preživjelih ratnog silovanja koje čekaju na pravdu. Zabrinjavajuće je da zakoni koji tretiraju pitanje priznanja statusa i s tim povezane naknade žrtvama ratnog nasilja različito tretiraju preživjele, u odnosu na mjesto njihovog prebivališta. Te osobe ponovo postaju žrtve kršenja prava, ovaj put u miru, što se upravo i desilo preživjeloj na koju se odnosi CEDAW predstavka. Uz činjenicu da joj je uskraćena pravda, njoj je uskraćeno i pravo na mjesečnu naknadu, kao i druge mjere socijalne zaštite.

TRIAL International je nevladina organizacija koja se bori protiv nekažnjivosti međunarodnih zločina i podržava žrtve u njihovoj potrazi za pravdom.

Organizacija pruža pravnu pomoć, podnosi slučajeve, razvija lokalne kapacitete i zagovara agendu ljudskih prava.

Media contact:
Adrijana Hanušić Bećirović
a.hanusic@trialinternational.org
+387 61 139 707
trialinternational.org
@trial



TRIAL
International

SAOPĆENJE ZA MEDIJE

Sarajevo

TRIAL International poziva BiH da, kao jednu od mjera garancije neponavljanja, izmijeni postojeće zakonodavstvo, kako bi se osiguralo da sve preživjele seksualnog nasilja počinjenog tokom rata imaju jednak pristup, neovisno o tome gdje žive, mjerama socijalne zaštite i drugim mjerama reparacije. S tim povezan zahtjev koji je posebno usmjeren prema Republici Srpskoj (RS), jeste potreba za promjenom zakona u smislu predviđanja posebne kategorije civilnih žrtava rata, a to su žrtve seksualnog nasilja, kao i ukidanje restriktivnih vremenskih rokova, za podnošenje zahtjeva za naknadu štete ili za pristup drugim mjerama reparacija.

TRIAL-ova predstavka CEDAW-u se također odnosi na potrebu usvajanja instrumenata, koji će dodatno poboljšati status preživjelih ratnog silovanja, kao što je Strategija tranzicijske pravde, Program za poboljšanje statusa preživjelih seksualnog nasilja iz oružanih sukoba i Zakon o pravima žrtava torture.

Obavještavanje žrtava o postupcima koji su u toku, o istragama, kao i da li mogu i kada očekivati suđenja jesu takođe od ključnog značaja. U tom smislu, pravosudno osoblje i osoblje istražnih organa mora to podržati, i djelovati u tom smislu, osiguravši da prava preživjelih i na taj način u potpunosti budu ispoštovana.

TRIAL International je nevladina organizacija koja se bori protiv nekažnjivosti međunarodnih zločina i podržava žrtve u njihovoj potrazi za pravdom. Organizacija pruža pravnu pomoć, podnosi slučajeve, razvija lokalne kapacitete i zagovara agendu ljudskih prava.

Media contact:
Adrijana Hanušić Bećirović
a.hanusic@trialinternational.org
+387 61 139 707
trialinternational.org
@trial